



## GRAD TUZLA

Na osnovu člana 9. Pravilnika o načinu dodjele bespovratnih finansijskih sredstava na ime finansijske pomoći samostalnim djelatnostima u vlasništvu fizičkih lica sa područja grada Tuzle u cilju ublažavanja negativnih posljedica epidemije koronavirusa („Službeni glasnik Grada Tuzla“, broj:10/20), Služba za ekonomski razvoj, poduzetništvo i poljoprivredu Grada Tuzle, dana 14.9.2020. godine, objavljuje:

### **JAVNI POZIV za dodjelu sredstava na ime finansijske pomoći samostalnim djelatnostima u vlasništvu fizičkih lica registrovanih na području grada Tuzle u cilju ublažavanja negativnih posljedica epidemije koronavirusa**

#### **I - Predmet Javnog poziva**

Ovim Javnim pozivom prikupljaju se prijave samostalnih djelatnosti u vlasništvu fizičkih lica, registrovanih na području grada Tuzle, za dodjelu bespovratnih finansijskih sredstava na ime finansijske pomoći, s ciljem ublažavanja negativnih posljedica epidemije koronavirusa.

Za dodjelu sredstava putem ovog Javnog poziva raspoloživa su sredstava u iznosu od 100.000,00 KM (stohiljada konvertibilnih maraka), koja su planirana u Budžetu Grada Tuzla za 2020. godinu, na poziciji, ekonomski kod 614519: Grant samostalnim poduzetnicima i obrtnicima za ublažavanje socio-ekonomskih posljedica izazvanih koronavirusom.

Finansijska pomoć koja se dodjeljuje putem ovog javnog poziva iznosi 500,00 KM (petstotina KM), po jednom korisniku sredstava.

Ukoliko ukupan broj validnih i prihvatljivih prijava na ovaj javni poziv bude veći od iznosa raspoloživih sredstava, navedenog u tački I, stavu 2. ovog javnog poziva, izvršit će se proporcionalno smanjenje odobrenih pojedinačnih iznosa finansijske pomoći za svakog korisnika sredstava.

#### **II – Subjekti koji se mogu prijaviti na Javni poziv**

Pravo podnošenja prijave na Javni poziv imaju subjekti koji su Pravilnikom o načinu dodjele bespovratnih finansijskih sredstava na ime finansijske pomoći samostalnim djelatnostima u vlasništvu fizičkih lica sa područja grada Tuzle u cilju ublažavanja negativnih posljedica epidemije koronavirusa, utvrđeni kao korisnici sredstava, pod kojim se smatraju: fizička lica koja obavljaju samostalne djelatnosti (trgovinske, obrtničke, uslužne, ugostiteljske djelatnosti), registrovane na području grada Tuzle, kod nadležnog organa za registraciju djelatnosti u Gradskoj upravi Tuzla i koji registrovanu djelatnost obavljaju kao osnovno zanimanje.

Pravo na podnošenje prijave imaju subjekti:

- a) koji nisu ostvarili pravo na dodjelu bespovratnih finansijskih sredstava na ime jednokratne novčane pomoći, po Javnom pozivu za dodjelu sredstava na ime jednokratne pomoći samostalnim djelatnostima u vlasništvu fizičkih lica registrovanih na području grada Tuzle

u cilju ublažavanja negativnih posljedica pandemije koronavirusa (COVID-19), (objavljen 14.07. 2020. godine), i

- b) koji nisu ostvarili pravo na dodjelu bespovratnih finansijskih sredstava na ime subvencije za ublažavanje negativnih posljedica prouzrokovanih pandemijom korona virusa (COVID-19), po Javnom pozivu za dodjelu sredstava za subvencije fizičkim licima koja obavljaju samostalne djelatnosti i obrte registrovane na području grada Tuzle s ciljem ublažavanja posljedica proglašenja stanja nesreće uzrokovane pojavom koronavirusa (COVID-19), (objavljen 2.6.2020. godine) u iznosu od 500,00 KM,
- c) koji su ostvarili pravo na dodjelu navedenih sredstava u iznosu manjem od 500,00 KM, po Javnom pozivu za dodjelu sredstava za subvencije fizičkim licima koja obavljaju samostalne djelatnosti i obrte registrovane na području grada Tuzle s ciljem ublažavanja posljedica proglašenja stanja nesreće uzrokovane pojavom koronavirusa (COVID-19), (objavljen 2.6.2020. godine)

Pored toga, subjekti iz prethodnog stava moraju ispunjavati i uslov da im je odlukama i naredbama nadležnih štabova civilne zaštite i kriznih štabova, bio zabranjen rad u periodu mart-april 2020. godine ili da su u mjesecu junu 2020. godine ostvarili pad prometa za više od 20%, u odnosu na promet ostvaren u mjesecu junu 2019. godine. Za podnositelje prijave koji su otpočeli poslovanje nakon mjeseca juna 2019. godine, njihov promet u mjesecu junu 2020. godine, za izračun pada prometa upoređivat će se sa prometom ostvarenim u mjesecu februaru 2020. godine.

### **III – U ovom Javnom pozivu ne mogu učestvovati**

Za dodjelu sredstava na ime finansijske pomoći putem ovog javnog poziva ne mogu se prijaviti subjekti koji imaju status privrednog društva, javne ustanove, javnog preduzeća, organizacije civilnog društva i druga pravna lica.

### **IV – Uslovi za ostvarivanje bespovratnih finansijskih sredstava na ime finansijske pomoći**

Za ostvarivanje prava na finansijsku pomoć koja je predmet dodjele putem ovog javnog poziva zainteresirani podnositelji prijave moraju ispunjavati sljedeće uslove:

- da su registrovani kao fizičko lice koje obavlja samostalnu djelatnost na području grada Tuzle, kod nadležnog organa za registraciju djelatnosti u Gradskoj upravi Tuzla,
- da registrovanu djelatnost obavljaju u osnovnom zanimanju,
- da su izmirili porezne obaveze sa mjesecom februarom 2020. godine,
- da nisu ostvarili pravo na dodjelu bespovratnih finansijskih sredstava na ime jednokratne novčane pomoći, po Javnom pozivu za dodjelu sredstava na ime jednokratne pomoći samostalnim djelatnostima u vlasništvu fizičkih lica registrovanih na području grada Tuzle u cilju ublažavanja negativnih posljedica pandemije koronavirusa (COVID-19), (objavljen 14.07. 2020. godine), i
- da nisu ostvarili pravo na dodjelu bespovratnih finansijskih sredstava na ime subvencije za ublažavanje negativnih posljedica prouzrokovanih pandemijom korona virusa (COVID-19), po Javnom pozivu za dodjelu sredstava za subvencije fizičkim licima koja obavljaju samostalne djelatnosti i obrte registrovane na području grada Tuzle s ciljem ublažavanja posljedica proglašenja stanja nesreće uzrokovane pojavom koronavirusa (COVID-19), (objavljen 2.6.2020. godine) u iznosu od 500,00 KM,

- da su ostvarili pravo na dodjelu navedenih sredstava u iznosu manjem od 500,00 KM, po Javnom pozivu za dodjelu sredstava za subvencije fizičkim licima koja obavljaju samostalne djelatnosti i obrte registrovane na području grada Tuzle s ciljem ublažavanja posljedica proglašenja stanja nesreće uzrokovane pojavom koronavirusa (COVID-19), (objavljen 2.6.2020. godine)
- da im je odlukama i naredbama nadležnih štabova civilne zaštite i kriznih štabova, bio zabranjen rad u periodu mart-april 2020. godine **ili**
- su u mjesecu junu 2020. godine ostvarili pad prometa za više od 20%, u odnosu na promet ostvaren u mjesecu junu 2019. godine. Za podnositelje prijava koji su otpočeli poslovanje nakon mjeseca juna 2019. godine, njihov promet u mjesecu junu 2020. godine, za izračun pada prometa upoređivat će se sa prometom ostvarenim u mjesecu februaru 2020. godine.

#### **V- Popis dokumentacije koju je potrebno priložiti uz prijavu**

Dokumentacija koja se prilaže uz prijavu na Javni poziv, kao dokaz o ispunjavanju uslova za dodjelu bespovratnih finansijskih sredstava na ime finansijske pomoći, je sljedeća:

1. prijavni obrazac,
2. dokaz o registraciji fizičkog lica koje obavlja samostalnu djelatnost ili obrt registrovan na području grada Tuzle (kopija rješenja nadležnog organa za registraciju djelatnosti u Gradskoj upravi Tuzla);
3. dokaz o otvorenom računu u poslovnoj banci za uplatu odobrenih sredstava (kopija);
4. uvjerenje nadležne Porezne uprave-Porezna ispostava Tuzla o izmirenim obavezama po osnovu direktnih poreza, sa mjesecom februarom 2020. godine (original ili ovjerena kopija);
5. vlasnici samostalnih djelatnosti koji su u sistemu fiskalizacije dostavljaju mjesečni izvještaj fiskalne blagajne o ukupno ostvarenom prometu za mjesec juni 2020. godine, kao i za mjesec juni 2019. godine ili za mjesec februar 2020. godine, ukoliko su djelatnost registrovali nakon juna 2019. godine, a koji moraju biti potpisani i ovjereni od vlasnika samostalne djelatnosti,
6. vlasnici samostalnih djelatnosti koji nisu u sistemu fiskalizacije, nego su obveznici paušalnog plaćanja poreza, dostavljaju izjavu pod punom materijalnom i krivičnom odgovornošću, ovjerenu kod notara ili u nadležnoj službi Grada Tuzle, o ostvarenom prometu u mjesecu junu 2020. godine i u mjesecu junu 2019. godine ili u mjesecu februaru 2020. godine, ukoliko su djelatnost registrovali nakon juna 2019. godine, (Izjava je sastavni dio prijavnog obrasca, a može se preuzeti na Info pultu u Pisarnici Grada Tuzle ili elektronski, na službenoj stranici Grada Tuzle: [www.grad.tuzla.ba](http://www.grad.tuzla.ba) );

#### **VI - Način prijavljivanja**

Prijave na ovaj Javni poziv podnose se na propisanom prijavnom obrascu koji se može preuzeti na Info pultu u Pisarnici Grada Tuzle (Šalter sala) ili elektronski sa službene stranice Grada Tuzle: [www.grad.tuzla.ba](http://www.grad.tuzla.ba) ).

## **VII – Provođenje Javnog poziva**

Radi provođenja javnog poziva, pomoćnik gradonačelnika za Službu za ekonomski razvoj, poduzetništvo i poljoprivredu, imenovat će Komisiju, koja ima predsjednika i 2 člana.

Komisija je dužna sačiniti Preliminarnu listu krajnjih korisnika sredstava koju će dostaviti Službi za ekonomski razvoj, poduzetništvo i poljoprivredu i objaviti na web stranici Grada Tuzle i oglasnoj ploči Grada Tuzle.

Protiv Preliminarne liste krajnjih korisnika, svaki učesnik javnog poziva može podnijeti prigovor Drugostepenoj komisiji za rješavanje po prigovoru, u roku od osam (8) dana od dana objave na web stranici Grada Tuzle i oglasnoj ploči Grada Tuzle.

Drugostepena komisija će utvrditi osnovanost prigovora, te ukoliko utvrdi da su prigovori osnovani, izmijenit će Preliminarnu listu krajnjih korisnika, a ako utvrdi da prigovori nisu osnovani odbit će prigovore kao neosnovane.

Drugostepena komisija donosi konačnu listu krajnjih korisnika i istu objavljuje na web stranici Grada Tuzle i oglasnoj ploči Grada Tuzle.

Na osnovu zaprimljene liste krajnjih korisnika sredstava Služba za ekonomski razvoj, poduzetništvo i poljoprivredu pripremit će i dostaviti Gradonačelniku Grada Tuzle Odluku o odabiru korisnika sredstava, sa pojedinačnim iznosom dodijeljenih sredstava svakom korisniku.

Gradonačelnik razmatra nacrt i usvaja Odluku o odabiru korisnika sa iznosom dodijeljenih sredstava.

Odluka Gradonačelnika je konačna i protiv nje se ne može izjaviti žalba ili neki drugi redovni pravni lijek.

Isplatu odobrenih novčanih sredstava na račune korisnika sredstava vršit će Služba za budžet i finansije, na zahtjev Službe za ekonomski razvoj, poduzetništvo i poljoprivredu, u skladu sa Odlukom Gradonačelnika iz prethodnog stava.

## **VIII – Trajanje Javnog poziva i podnošenje prijava**

Javni poziv ostaje otvoren 15 dana od dana objave.

Prijave na Javni poziv sa pratećom dokumentacijom dostavljaju se u zatvorenoj koverti putem Centra za pružanje usluga građanima - Pisarnice Grada Tuzle (Šalter sala) ili poštom na adresu:

### **GRAD TUZLA**

**Služba za ekonomski razvoj, poduzetništvo i poljoprivredu**  
**Ul. ZAVNOBIH-a broj 11, 75000 Tuzla, Bosna i Hercegovina**  
sa naznakom:

**Prijava na Javni poziv za dodjelu sredstava na ime finansijske pomoći samostalnim djelatnostima u vlasništvu fizičkih lica registrovanih na području grada Tuzle u cilju ublažavanja negativnih posljedica epidemije koronavirusa**

**Nepotpune i neblagovremene prijave neće se uzeti u razmatranje.**

Sve dodatne informacije o načinu i postupku učešća u Javnom pozivu, mogu se dobiti u Službi za ekonomski razvoj, poduzetništvo i poljoprivredu Grada Tuzla, putem telefona: 035/307-380.